



Na osnovu Statuta Grada Zenica ("Službene novine Grada Zenica", broj 5/15), a u skladu sa Programom mjera za utrošak podsticajnih sredstava namijenjenih za oblast privrede u 2023. godini, usvojenim na 32. sjednici Gradskog vijeća, održanoj 30.03.2023. godine, Gradonačelnik Grada Zenica raspisuje

JAVNI POZIV za dodjelu podsticajnih sredstava namijenjenih za oblast privrede u 2023. godini na području Grada Zenice

I. PREDMET JAVNOG POZIVA

Predmet Javnog poziva je dodjela bespovratnih podsticajnih sredstava u oblasti privrede za 2023. godinu na području grada Zenice, s ciljem unapređenja samozapošljavanja (pokretanje start up preduzeća, podrška u oblasti IT tehnologija, postojećih obrta, mikro i malih preduzeća, jačanje ženskog poduzetništva i tradicionalnih zanata), zapošljavanja, poboljšanje općih uslova za razvoj i konkurentnost obrta, mikro i malih preduzeća, stvaranje povoljnije klime za domaće i strane investicije, te stvaranje tržišne stabilnosti (u daljem tekstu: Javni poziv).

U okviru ovog Javnog poziva realizuje se 6 mjera za utrošak podsticajnih sredstava u oblasti privrede za 2023. godinu i to:

Mjera	Naziv mjere	Planirani iznos u 2023. godini (u KM)
1.	Podsticaj za "Moj prvi biznis u Gradu Zenica – START UP"	90.000,00
2.	Podsticaj za "Moj prvi biznis u Gradu Zenica – START UP" u oblasti IT tehnologija	10.000,00
3.	Podsticaj razvoja postojećih obrta, mikro i malih preduzeća	125.000,00
4.	Podsticaj razvoja postojećih obrta, mikro i malih preduzeća u oblasti IT tehnologija	15.000,00
5.	Podsticaj za jačanje i razvoj ženskog preduzetništva	50.000,00
6.	Podsticaj za tradicionalne zanate	10.000,00
UKUPNO:		300.000,00

II. SREDSTVA PODSTICAJA

Ukupno planirana sredstva namijenjena za dodjelu podsticaja po ovom Javnom pozivu iznose 300.000,00 KM, dok je maksimalan iznos podsticaja do 5.000,00 KM po aplikantu za Mjere 1, 2, 3, 4 i 5, a za Mjeru 6 maksimalan iznos podsticaja je do 1.000,00 KM.



III. PRAVO UČEŠĆA

Pravo učešća na ovom Javnom pozivu imaju mikro i mali subjekti male privrede definisani članom 4. Stav (1), Tačka a) i b) Zakona o podsticanju razvoja male privrede („Službene novine Zeničko-dobojskog kantona“, broj: 7/16), a koji su registrovani u skladu sa Zakonom o privrednim društvima („Službene novine Federacije BiH“, broj: 81/15) ili u skladu sa Zakonom o obrtu i srodnim djelatnostima („Službene novine Federacije BiH“, broj: 75/2021) i Zakonom o ugostiteljskoj djelatnosti FBiH („Sužbene novine Federacije BiH“, broj: 32/09) i Zakonom o ugostiteljskoj djelatnosti Zeničko-dobojskog kantona („Sužbene novine ZDK, broj: 05/2016), i to:

- koji su ili će biti registrovani i čije će sjedište biti na području grada Zenice,
- koji su u privatnom vlasništvu,
- koji imaju ili će imati najmanje jednog zaposlenog,
- koji nemaju dug prema Gradu Zenica po bilo kojem osnovu,
- koji obavljaju proizvodnu, proizvodno-uslužnu i uslužnu djelatnost, kao pretežnu djelatnost,
- koji su u većinskom vlasništvu državljana BiH (minimalno 51%).

Pravo učešća imaju i fizička lica koja se vode na evidenciji Službe za zapošljavanje Zeničko-dobojskog kantona - Biroa rada Zenica, a koja pokreću svoj prvi biznis (start-up projekti) na području grada Zenice.

Podnosilac zahtjeva za podsticaj MOŽE aplicirati samo na jednu od Mjera Javnog poziva.

Pravo učešća na podsticaj po osnovu Programa **ne mogu ostvariti:**

- fizička lica koja su registrovala ili imaju namjeru registrovati dopunsku djelatnost;
- fizička lica koja su od Grada Zenica ostvarila podsticaj, registrovala pa odjavila djelatnost;
- subjekti koji su u posljednja 24 mjeseca prije objave Javnog poziva obavljali istu ili sličnu djelatnost, i istu odjavili;
- subjekti koji su registrovani ili imaju namjeru registrovati bilo koju poljoprivrednu djelatnost (apliciraju na drugi program);
- finansijske institucije;
- subjekti koji su registrovali ili imaju namjeru registrovati djelatnost igara na sreću i kasina;
- subjekti koji su registrovali ili imaju namjeru registrovati djelatnost trgovine (trgovačke radnje, trgovac pojedinac i sl.);
- advokati i notari;
- subjekti koji su registrovali ili imaju namjeru registrovati zdravstvenu djelatnost;
- javne ustanove i javna preduzeća;
- prevoz putnika i autoškole;
- subjekti koji su koristili podsticaj Grada u 2020., 2021., 2022. ili 2023. godini.

IV. NAMJENA PODSTICAJNIH SREDSTAVA

Sredstva podsticaja su namjenjena za:

- subvenciju doprinosa za zaposlenu/samozaposlenu osobu za najviše 12 mjeseci poslovanja,
- kupovinu mašina, alata i opreme za obavljanje djelatnosti (nova oprema),
- kupovinu informatičke opreme za rad (osim laptopa),
- kupovinu specijaliziranih softverskih licenci neophodnih za obavljanje osnovne djelatnosti,
- troškove registracije poslovnog subjekta (osim osnivačkog kapitala),
- nabavku repromaterijala neophodnih za obavljanje djelatnosti.



V. OPIS MJERA

Mjera 1.	Podsticaj za "Moj prvi biznis u Gradu Zenica – START UP"
Cilj	<ul style="list-style-type: none">- podsticajem je predviđeno poticanje samozapošljavanja i zapošljavanja, povećanje broja privrednih subjekata koji će doprinijeti jačanju ekonomije, stabilnosti i konkurencije tržišta.
Namjena	<ul style="list-style-type: none">- subvencija doprinosa za zaposlenu/samozaposlenu osobu za najviše 12 mjeseci poslovanja,- kupovina mašina, alata i opreme za obavljanje djelatnosti (nova oprema),- <u>frizerski saloni i saloni za uljepšavanje sredstva mogu koristiti samo za nabavku profesionalne frizerske/kozmetičke stolice,</u>- <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaj),</u>- kupovina informatičke opreme za rad (osim laptopa),- kupovina specijaliziranih softverskih licenci neophodnih za obavljanje osnovne djelatnosti,- troškovi registracije poslovnog subjekta (osim osnivačkog kapitala).
Korisnici	<ul style="list-style-type: none">- subjekti koji su registrovali obrt, srodnu djelatnost ili društvo sa ograničenom odgovornošću nakon 01.10.2022. godine, ili koji će tek registrovati djelatnost nakon objave Javnog poziva, sa sjedištem na području grada Zenice.
Napomena	<ul style="list-style-type: none">- aplikantima će biti osigurana edukacija iz oblasti preduzetništva, koji se sastoji od 2 modula (generisanje poslovne ideje i započni svoj posao sa pisanjem poslovnog plana). Edukaciju će vršiti Zenička razvojna agencija ZEDA. <p>* Edukacija je neobaveznog karaktera.</p> <p>Maksimalan iznos subvencije po korisniku je do 5.000,00 KM</p>
Planirani iznos	90.000,00 KM
Mjera 2.	Podsticaj za "Moj prvi biznis u Gradu Zenica – START UP" u oblasti IT tehnologija
Cilj	<ul style="list-style-type: none">- podsticajem je predviđeno poticanje samozapošljavanja i zapošljavanja u oblasti IT tehnologija, stvaranje povoljnog i modernog poslovnog ambijenta koji će privući investicije te unaprijediti i modernizovati cjelokupno tržište i poslovanje.
Namjena	<ul style="list-style-type: none">- subvencija doprinosa za zaposlenu/samozaposlenu osobu za najviše 12 mjeseci poslovanja,- kupovina informatičke opreme za rad (osim laptopa),- kupovina specijaliziranih softverskih licenci neophodnih za obavljanje osnovne djelatnosti,- troškovi registracije poslovnog subjekta (osim osnivačkog kapitala).
Korisnici	<ul style="list-style-type: none">- subjekti koji su registrovali obrt, srodnu djelatnost ili društvo sa ograničenom odgovornošću u oblasti IT tehnologija, nakon



	<p>01.10.2022. godine, ili koji će tek registrovati djelatnost nakon objave Javnog poziva, sa matičnim sjedištem na području grada Zenica.</p>
Napomena	<ul style="list-style-type: none">- aplikantima će biti osigurana edukacija iz oblasti preduzetništva, koji se sastoji od 2 modula (generisanje poslovne ideje i započni svoj posao sa pisanjem poslovnog plana). Edukaciju će vršiti Zenička razvojna agencija ZEDA. <p>*Edukacija je neobaveznog karaktera</p> <p>Maksimalan iznos subvencije po korisniku je do 5.000,00 KM</p>
Planiran iznos	10.000,00 KM
Mjera 3.	Podsticaj razvoja postojećih obrta, mikro i malih preduzeća
Cilj	<ul style="list-style-type: none">- kroz podsticaj nabavke osnovnih sredstava i opreme stvoriti preduslove za očuvanje postojećih i otvaranje novih radnih mjesta te povećanje nivoa produktivnosti i konkurentnosti.
Namjena	<ul style="list-style-type: none">- kupovina mašina, alata i opreme za obavljanje djelatnosti (nova oprema),- <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske/kozmetičke stolice</u>,- <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaja)</u>,- kupovina informatičke opreme za rad (osim laptopa),- kupovina specijaliziranih softverskih licenci neophodnih za obavljanje osnovne djelatnosti.
Korisnici	<ul style="list-style-type: none">- postojeći obrti, mikro i mala preduzeća.
Napomena	<ul style="list-style-type: none">- Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije. <p>Iznos subvencije zavisi od veličine privrednog subjekta i to kako slijedi:</p> <ul style="list-style-type: none">- subvencija za mikro privredne subjekte iznosi do 50% od ukupne investicije za koju se podnosi zahtjev,- subvencija za male privredne subjekte iznosi do 35% od ukupne investicije za koju podnosi zahtjev. <p>Maksimalan iznos subvencije po korisniku je do 5.000,00 KM</p>
Planiran iznos	125.000,00 KM
Mjera 4.	Podsticaj razvoja postojećih obrta, mikro i malih preduzeća u oblasti IT tehnologija
Cilj	<ul style="list-style-type: none">- kroz podsticaj nabavke osnovnih sredstava i opreme stvara se preduslov za razvoj IT industrije što doprinosi ubrzanju razvoja privrede, tržišta, modernizacije poslovanja;- osposobljavanje novih kadrova u ovoj oblasti, te povećanje nivoa produktivnosti i konkurentnosti.



Namjena	<ul style="list-style-type: none">- kupovina informatičke opreme za rad (osim laptopa),- kupovina specijaliziranih softverskih licenci neophodnih za obavljanje osnovne djelatnosti.
Korisnici	<ul style="list-style-type: none">- postojeći obrti, mikro i mala preduzeća u oblasti IT tehnologija.
Napomena	<ul style="list-style-type: none">- Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije. <p>Iznos subvencije zavisi od veličine privrednog subjekta i to kako slijedi:</p> <ul style="list-style-type: none">- subvencija za mikro privredne subjekte iznosi do 50% od ukupne investicije za koju se podnosi zahtjev,- subvencija za male privredne subjekte iznosi do 35% od ukupne investicije za koju podnosi zahtjev. <p>Maksimalan iznos subvencije po korisniku je do 5.000,00 KM</p>
Planiran iznos	15.000,00 KM
Mjera 5.	Podsticaj za jačanje i razvoj ženskog preduzetništva
Cilj	<ul style="list-style-type: none">- podsticanje preduzetničkih aktivnosti žena te promocija ženskog preduzetništva, ekonomsko osnaživanje žena uključivanjem u preduzetničke aktivnosti.
Namjena	<ul style="list-style-type: none">- kupovina mašina, alata i opreme za obavljanje djelatnosti (nova oprema)- <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske/kozmetičke stolice,</u>- <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaja),</u>- kupovina informatičke opreme za rad (osim laptopa),- kupovina specijaliziranih softverskih licenci neophodnih za obavljanje osnovne djelatnosti.
Korisnici	<ul style="list-style-type: none">- postojeći obrti, mikro i mali subjekti male privrede čija je vlasnica ili menadžerica/direktorica žena.
Napomena	<ul style="list-style-type: none">- Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije. <p>Iznos subvencije zavisi od veličine privrednog subjekta i to kako slijedi:</p> <ul style="list-style-type: none">- subvencija za mikro privredne subjekte iznosi do 50% od ukupne investicije za koju se podnosi zahtjev,- subvencija za male privredne subjekte iznosi do 35% od ukupne investicije za koju podnosi zahtjev. <p>Maksimalan iznos subvencije po korisniku je do 5.000,00 KM</p>
Planiran iznos	50.000,00 KM
Mjera 6.	Podsticaj za tradicionalne zanate
Cilj	<ul style="list-style-type: none">- stvaranje preduslova za očuvanje tradicionalnih zanata,- povećanje nivoa produktivnosti i konkurentnosti - nabavka osnovnih sredstava/ opreme.



Namjena	<ul style="list-style-type: none">- kupovina mašina, alata i opreme za obavljanje djelatnosti (nova oprema);- nabavka repromaterijala neophodni za obavljanje djelatnosti;- subvecioniranje poreza i doprinosa.
Korisnici	<ul style="list-style-type: none">- postojeći registrovani tradicionalni zanati na području Grada Zenica
Napomena	Maksimalan iznos subvencije po korisniku je do 1.000,00 KM
Planiran iznos	10.000,00 KM

VI. NEPRIHVATLJIVI TROŠKOVI

Podsticajna sredstva se **ne mogu** koristiti za sljedeće namjene:

- kupovina robe/proizvoda za dalju prodaju;
- kupovina sirovina i potrošnog materijala potrebnih za obavljanje djelatnosti;
- kupovina telefonskih i mobilnih uređaja;
- zakupnina za poslovni prostor;
- oglašavanje koje provodi drugi subjekt u ime korisnika podsticaja (oglasnici, internet);
- pretplate na časopise i stručne literature;
- edukacije;
- troškovi stručnih i drugih ispita potrebnih za obavljanje djelatnosti;
- komorske i druge članarine;
- ugovori o djelu s drugim osobama;
- trošak istraživanja tržišta;
- najam/leasing vozila i opreme;
- štampanje na reklamne predmete;
- službena putovanja;
- trošak goriva, guma, cestarina, naplate parkinga za službeno vozilo;
- troškovi održavanja, servisiranja, registracije automobila;
- troškovi premije osiguranja;
- režijski troškovi poslovnog prostora i priključci energenata;
- usluge drugih poslovnih subjekata (osim knjigovodstvenih i web usluga);
- kupovina prijevoznih sredstava za prevoz stvari i roba.

VII. OBAVEZNA DOKUMENTACIJA

Obavezna dokumentacija za prijavu na Javni poziv za Mjeru 1 i Mjeru 2:

Subjekti koji apliciraju na sljedeće mjere: "Moj prvi biznis u Gradu Zenica – START UP" i "Moj prvi biznis u Gradu Zenica – START UP u oblasti IT tehnologija" (obrti i d.o.o.), dužni su dostaviti sljedeću dokumentaciju:

1. Zahtjev za podsticaj (Obrazac 1B);
2. Poslovni plan s pregledom troškova (Poslovni plan START UP) – uredno popunjen i potpisan od strane aplikanta;
3. Izjava (Obrazac 2) – potpisana i ovjerena u šalter Sali Gradske uprave ili kod notara;



4. Potvrda sa JU Službe za zapošljavanje Zeničko-dobojskog kantona - Biroa rada Zenica da podnosilac prijave ima status nezaposlene osobe, ne starija od 30 dana – za lica koja se vode na evidenciji Biroa rada Zenica – original ili ovjerena kopija;
5. Uvjerjenje o izmirenim direktnim porezima (doprinosi za PIO/MIO i doprinosi za zdravstveno osiguranje) iz Porezne uprave, ne starija od 1 (jedan) mjesec, za osobe koje imaju ili su ranije imale registrovanu djelatnost – original ili ovjerena kopija;
6. Obavještenje o razvrstavanju pravnog lica prema kvalifikaciji djelatnosti - za registrovana privredna društva (d.o.o.) - izdaje Federalni zavod za statistiku – Služba za statistiku za područje ZDK - original ili ovjerena kopija;
7. Rješenje o prestanku pravnog subjekta - za osobe koje su ranije imale registrovanu djelatnost – original ili ovjerena kopija.

Obavezna dokumentacija za prijavu na Javni poziv za Mjere 3, 4, i 5:

Subjekti koji apliciraju na sljedeće mjere: „Podsticaj razvoja postojećih obrta, mikro i malih preduzeća“, „Podsticaj razvoja postojećih obrta, mikro i malih preduzeća u oblasti IT tehnologija“, i „Podsticaj za jačanje i razvoj ženskog preduzetništva“, dužni su dostaviti sljedeću dokumentaciju:

1. Zahtjev za podsticaj za povećanje produktivnosti i konkurentnosti, nabavka osnovnih sredstava i opreme (Obrazac 1A);
2. Izjava (Obrazac 2) – potpisana i ovjerena u šalter Sali Gradske uprave ili kod notara;
3. Uvjerjenje o izmirenim direktnim porezima (doprinosi za PIO/MIO i doprinosi za zdravstveno osiguranje) iz Porezne uprave, ne starija od 1 (jedan) mjesec – original ili ovjerena kopija;
4. Obavještenje o razvrstavanju pravnog lica prema kvalifikaciji djelatnosti - za registrovana privredna društva (d.o.o.) - izdaje Federalni zavod za statistiku – Služba za statistiku za područje ZDK - original ili ovjerena kopija.

Obavezna dokumentacija za prijavu na Javni poziv za Mjeru 6:

Subjekti koji apliciraju na sljedeće mjere: “ Podsticaj za tradicionalne zanate“, dužni su dostaviti sljedeću dokumentaciju:

1. Zahtjev za podsticaj za povećanje produktivnosti i konkurentnosti, nabavka osnovnih sredstava i opreme (Obrazac 1A);
2. Izjava (Obrazac 2) – potpisana i ovjerena u šalter Sali Gradske uprave ili kod notara;
3. Uvjerjenje o izmirenim direktnim porezima (doprinosi za PIO/MIO i doprinosi za zdravstveno osiguranje) iz Porezne uprave, ne starija od 1 (jedan) mjesec – original ili ovjerena kopija;

Kandidati kojima se odobri podsticaj će biti u obavezi da prije potpisivanja ugovora dostave Uvjerjenje o nevođenju krivičnog postupka protiv podnosioca prijave/aplikanta - (općinski sud).

Napomena*: Kandidati pored obavezne dokumentacije mogu dostaviti relevantne isprave/dokumente kojima dokazuju status nezaposlene osobe, invalida, člana šehidske porodice/porodice poginulog borca.



Napomena:** Po potrebi Komisija za provođenje ovog Javnog poziva ima pravo zatražiti dodatnu dokumentaciju i obrazloženje od strane podnosioca prijave/aplikanta.

VIII. KRITERIJI ZA BODOVANJE PRIJAVA

Red. br.	Kriterij za ocjenu	Opis	Bodovi	Maksimalan br. bodova	Izvori verifikacije
1.	Vrsta djelatnosti	Proizvodna	30	30	Rješenje o registraciji, Poslovni plan, Obavještenje o razvrstavanju pravnog lica prema kvalifikaciji djelatnosti
		Proizvodno-uslužna	20		
		Uslužna	10		
2.	Broj (novo) zaposlenih	5 i više	20	20	Poslovni plan, Lista osiguranih lica za obveznika (Kantonalni porezni ured)
		3-4	15		
		do 2	10		
3.	Inovativna djelatnost	DA	0-20	20	Rješenje o registraciji; Prijavni obrazac; Poslovni plan
		NE	0		
4.	Kvalitet poslovne ideje	Održivost	0-15	15	Poslovni plan
5.	Mlade osobe (osobe do 35 godina starosti)	DA	5	5	Službena provjera
		NE	0		
6.	Osobe koje se nalaze na evidenciji JU Služba za zapošljavanje ZDK duže od 12 mjeseci	DA	5	5	Uvjerenje od JU Služba za zapošljavanje ZDK
		NE	0		
7.	Imaju status osobe sa invaliditetom ili zapošljava lica sa invaliditetom	DA	5	5	Potvrda o invaliditetu
		NE	0		
Ukupan broj bodova				100	

* Pod inovativnošću se podrazumjeva: "Primjena novog ili značajno poboljšanog proizvoda (robe ili usluge), procesa, nove marketinške metode ili nove organizacione metode u poslovnim praksama, organizaciji radnog mjesta ili vanjskim odnosima (OECD, 2017)".

** U slučaju da dva ili više aplikanta ostvare isti broj bodova, prednost odabira korisnika po osnovu ovog Programa imat će kandidati koji nisu koristili podsticajna sredstva Grada Zenica, mlade osobe (osobe do 35 godina starosti), subjekti koji su ili zapošljavaju lica sa invaliditetom i članovi šehidskih porodica i poginulih boraca.



**** **U slučaju da se kroz proces evaluacije i verifikacije podataka iz prijave dođe do saznanja o lažnom predstavljanju i davanju netačnih informacija, podnosilac prijave će po automatizmu biti isključen iz Javnog poziva.**

IX. SADRŽAJ PRIJAVE ZA UČESTVOVANJE U JAVNOM POZIVU

Obrasci za prijavu na Javni poziv se mogu preuzeti na web stranici Grada Zenica: www.zenica.ba i na Infopultu Grada Zenica.

Svi dokumenti koji se predaju moraju biti u formi koja je naznačena pod obaveznom dokumentacijom.

U postupku po Javnom pozivu Grad Zenica ne snosi nikakve troškove učesnika Javnog poziva, te zadržava pravo da poništi Javni poziv. Grad Zenica ne snosi odgovornost prema učesnicima Javnog poziva u pogledu aktivnosti koje su preduzeli u cilju apliciranja.

Pitanja u vezi sa Javnim pozivom se mogu postaviti putem e-maila i telefonski, najkasnije 7 dana prije isteka roka za podnošenje prijave na Javni poziv. Kontakt osoba:

Maša Škrbić (e-mail: masa.skrbic@zenica.ba, telefon: 032-447-691)

Ahmed Brkić (e-mail: ahmed.brkic@zenica.ba, telefon: 032-447-693)

X. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika, a koju će činiti predstavnici Službe za privredu, gradsku imovinu i upravljanje razvojem, Agencije ZEDA i Udruženja poslodavaca Zenica.

Komisija će izvršiti vrjednovanje i rangiranje pristiglih prijava, te u roku od 30 dana od dana zatvaranja Javnog poziva sačiniti Preliminarnu listu kandidata koji su ostvarili pravo na podsticajna sredstva i istu objaviti na Oglasnoj ploči Grada Zenica i na web-stranici Grada Zenica.

Učesnici Javnog poziva u roku od 8 dana od objavljivanja Preliminarne liste na Oglasnoj ploči i web stranici Grada Zenica moći će izjaviti prigovor Gradonačelniku. Po rješenju prigovora bit će objavljena Konačna lista kandidata Oglasnoj ploči i web stranici Grada Zenica.

Na osnovu Konačne liste, Grad Zenica će sa odabranim kandidatima potpisati ugovore kojima će biti regulisana međusobna prava i obaveze.

U slučaju da se planirana sredstva ne utroše, Grad Zenica može ponoviti Javni poziv.

Kontrolu utroška dodijeljenih sredstava na osnovu ovog Javnog poziva vršit će Služba za privredu, gradsku imovinu i upravljanje razvojem. Ukoliko se ustanovi da se dodijeljena sredstva koriste protivno odredbama zaključenog ugovora, Grad Zenica će raskinuti isti i korisnik će imati obavezu da izvrši povrat cjelokupnog iznosa dodijeljenih sredstava.



XI. NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na Protokol Grada Zenica ili putem pošte, na adresu:

GRAD ZENICA

Služba za privredu, gradsku imovinu i upravljanje razvojem

Komisija za provođenje Javnog poziva

Trg BiH 6, 72 000 Zenica

sa naznakom:

"Prijava na Javni poziv za dodjelu podsticajnih sredstava u oblasti privrede za 2023. godinu na području Grada Zenice – MJERA X – NE OTVARATI"

Rok za predaju prijave je **21 dan** od dana objavljivanja Javnog poziva na web stranici Grada Zenica, odnosno do **09.06.2023. godine**. Prijave dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Nepotpune i neblagovremene prijave se neće uzimati u razmatranje.

Na poleđini koverta obavezno naznačiti ime i prezime fizičkog lica ili naziv pravnog subjekta koji aplicira, adresu i kontakt telefon.

Kandidati koji žele prisustvovati edukaciji dužni su popuniti obrazac „Prijavni obrazac za edukaciju (Obrazac EDUKACIJA START UP)“ i isti predati na Protokol Grada Zenica - Služba za privredu, gradsku imovinu i upravljanje razvojem. Rok za podnošenje prijave za prisustvo edukaciji je **29.05.2023. godine do 16.00 sati**.